

Mohd Amirul Kasyful Nur bin Zulkifli

From: Unit Komunikasi Korporat
Sent: 02 April 2017 20:11
To: UUM - All Staff; UUM - All Students; Staf - Pesara UUM
Subject: IM4A (Ingat Mati For Allah) Untuk Jadi Pemimpin Yang Baik



Unit Komunikasi Korporat
CORPORATE COMMUNICATION UNIT
Universiti Utara Malaysia



02 APRIL 2017 / 05 REJAB 1438H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: Shamsaimi Ezil

IM4A (INGAT MATI FOR ALLAH) UNTUK JADI PEMIMPIN YANG BAIK



UUM ONLINE: "Untuk menjadi seorang pemimpin yang baik, perlu ingat IM4A (Ingat Mati For Allah) iaitu dengan sentiasa mengingati nama Allah," kata Ustaz Syamsul Debat pada Leadership Talkshow 'Kepimpinan Diasuh Bukan Dilahirkan' di Foyer Perpustakaan Sultanah Bahiyah, petang tadi.

Dengan gaya penyampaian santai sambil diselitkan unsur humor itu, Ustaz Syamsul Debat atau nama sebenar, Syamsul Amri Ismail berkata, amanah sebagai pemimpin sangat besar.

Katanya, amanah yang dipikul akan ditanya oleh Allah kelak, justeru Rasulullah telah menegaskan supaya umatnya menjadi pemimpin yang amanah dan tanggungjawab tersebut bukan sahaja di tempat kerja atau negara, malah di rumah.

Tambah beliau lagi, antara syarat mahu menjadi seorang pemimpin yang berjaya ialah komitmen, belajar dan mengajar tanpa rasa malu atau ego serta tidak kedekut ilmu, seterusnya komunikasi.

"Seorang pemimpin juga kena miliki ciri-ciri seperti cepat, hadirkan diri, aplikasi (bukan sekadar bercakap), mantapkan keupayaan, profesional (tidak campur aduk kerja dan peribadi), iltizam dan tersusun," ujarnya yang merupakan Presiden Persatuan Alumni Pendebat Malaysia.

Talkshow anjuran bersama Institut Pemikiran Tun Dr Mahathir Mohamad (IPDM) dan Manager's Coffee itu telah menghimpunkan lebih 200 staf UUM dan juga pelajar.

Turut memeriahkan program tersebut ialah Naib Canselor, Prof Dato' Seri Dr Mohamed Mustafa Ishak dan pegawai-pegawai kanan UUM.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.